

0 836

武林坊巷志



杭州掌故丛书

武林坊巷志

第二册

浙江人民出版社

武林坊巷志(第二册) [清]丁 丙

浙江人民出版社出版
(杭州武林路125号)

浙江新华印刷厂印刷
(杭州环城北路天水桥堍)

浙江省新华书店发行

开本850×1168 1/32 印张26.5 插页5 字数614,000 印数1—2,000
1986年8月第1版 1986年8月第1次印刷

统一书号: 11103·137 定 价: 5.00 元

武林坊巷志第二册

目 录

丰上坊三	
状元弄	(1)
太平弄	(2)
钱家弄	(2)
孔家山巷	(3)
花牌楼	(4)
毛家园	(8)
四宜亭	(11)
雷院巷	(12)
小龙舌嘴	(15)
吴衙庄	(15)
登山西道	(24)
郭婆井巷	(25)
陆家坞	(30)
花园弄	(34)
十间楼巷	(35)
桃园弄	(36)
黄泥团城堆	(38)
土山	(52)
竹园山	(52)

铁冶岭	(61)
丰上坊四	
云居山	(101)
云居圣水寺	(120)
紫阳山	(159)
天后宫	(180)
枫岭	(180)
山坳	(186)
羁候所城堆	(187)
詹家弄	(187)
钱湖门遗址	(188)
金家荡	(190)
豆其弄	(191)
清波门	(191)
丰下坊一	
大马厂	(213)
高士坊巷	(217)
严官巷	(236)
白马庙巷	(239)
通元观	(250)
太庙巷	(272)
永寿弄	(351)
大渠弄	(352)
察院前	(352)
城隍牌楼街	(359)
邹家弄	(377)
水师前	(380)

碗瓦弄	(381)
八作司巷	(382)
丰下坊二	
大井巷	(389)
小井巷	(407)
伍公山	(412)
东岳庙	(446)
太岁庙	(460)
有美堂	(469)
雷殿	(475)
圣母殿	(477)
普光庵	(478)
环翠楼	(479)
石佛山	(483)
晓霞弄	(505)
茶锹弄	(506)
金地山	(506)
火德庙	(526)
丰下坊三	
宝山	(547)
宝莲山	(549)
七宝山	(555)
广严院	(564)
三茅观	(568)
钟翠亭	(602)
汪王庙	(605)
定水寺	(615)

仁王寺	(620)
大观台	(625)
清平门遗址	(646)
青平山	(647)
开元寺	(681)
寿春庵	(688)
瑞石山	(692)
瑞石亭	(724)
大洞经阁	(726)
龙神庙	(728)
归云洞	(731)
重阳庵	(735)
紫阳庵	(779)
紫阳洞	(799)
宝成寺	(806)
感花岩	(818)
石观音阁	(824)
于仙阁	(826)
金星洞	(840)

丰上坊三

状元弄

《浙江省城全图》

状元弄。

《金氏宗谱》

状元弄，在清波门内，里人以雨叔公大魁时所居，故名。

《乾隆府志》

金铨，字雨叔，号海住，仁和人。少至性过人，事母至孝，偕兄虞砥砺向学，尤淹贯史事。乾隆壬戌会试第一，殿试第一人及第，授修撰，典甲子广东乡试，十年散馆，后擢赞善，历左庶子侍讲学士。壬申、癸酉迭典江西、山西乡试，督学安徽，长于论文，悉心校阅，所至称得士。安徽学租，旧于给贫外，以公事报销，铨尽钐所余，校发提调，备修缮学宫。当事问遗止及茶药，无縻纒之受。二十二年，在上书房行走，铨小心勤顺，未尝以私事休假，清操介节，尤见重于时。尝言养正之地，殫竭微忱，用资启导，不易膺斯任也。先后侍书十七年，自孝友大端，至言动威仪之节，罔弗尽言，唱酬题咏，皆寓意纳箴。皇子皆鉴其诚，升詹事。督学江西，声望如安徽。转内阁学士。三十二年，晋礼部左侍郎。三十八年，以疾告归，主讲敷文书院。年八十一卒。杭州搢绅极盛，而都中无仁、钱专

馆。牲在都时，捐金为倡，醕资构屋于虎坊桥东，部署周备，质邸赐颜曰“湖山凝秀”，至今乡士如归。

丙按：弄内有吴姓，家小康。一日，有徽人寓其家，言：“近观杭城阳宅，一时无过君家者，如能移灶座于书房，六十年内必出两状元。”吴从其言，而家止一某，延一老儒课读，以邻金姓子附焉。金姓子乘师出，戏假山，失足坠地，吴氏女大惊，家人询之，则曰：“见蓝面神同此子而下。”其父心动，以女字金姓子，即馆甥焉。盖为海住先生也。后先生登一甲一名。先生之外孙汪云壑先生如洋，亦登殿撰。徽人相宅亦神矣哉！余详见枝头巷条下。

太 平 弄

按：太平弄，东出铁崖岭，西塞。

《浙江省城全图》

太平弄。

钱 家 弄

按：钱家弄，北出清波门直街，南塞。人物有钱震彪、钱登峰、钱缙绅。

《浙江省城全图》

钱家弄。

《康熙钱塘志》、《清波类志》

钱震彪，字文蔚，居近甘泉庵。尝捐资市米，令僧为粥，以食圉圉中人。冬施荐席，夏与巾扇，数十年不倦。又尝赈难民，助建保赤，当时竞有高义之目。又念浇烛者多用废书裹心，暴褻殊甚，因广劝禁。次子登峰，字泰观，康熙癸卯膺乡荐，己未成进士，授中书舍人。孙经绅，字治人，己卯举人，宰富顺，多善政。（又见西井寺巷条内。）

孔 家 山 巷

按：孔家山巷，北通大螺蛳山巷、小螺蛳山巷，西通登山西道。物产有李子。人物明有孔哲、孔仁，国朝有孔闻韶、孔尚友、孔衍昌、储塤、张学纯，附见者孔云、陈懋、储阶、储坤、储仁。

《康熙钱塘志》

罗师山巷，上通孔家山。

《西湖志》

联桂坊，上通孔家山。

《万历府志》、《乾隆府志》

李子出省城铁冶岭孔氏园者最佳，核小而肉松甜。

《清波类志》

孔哲，字既明，北直隶真定人。父云，于洪武初从军，爵赐铁券。哲以荫授杭州右卫镇抚。正统四年，随平阳侯陈懋剿福建贼有功，升右卫后所正千户武德将军，世袭，遂卜居杭城铁冶岭西，人称其地为孔家山。至孙仁，以子姓蕃衍，析居于罗师山，距祖宅百余武。当时有东西两孔家山之名，今止以罗

师山后阜为孔家山。入国朝，其裔孙闻韶字醉斯，博学多才，食饩郡庠，以六行自飭，里中弟子受业者甚众，咸称为西山先生。所居后园有异李，见者皆知为孔先生园中果也。

《郭西小志》

孔治山，字履岩，名尚友，西山先生闻韶孙也。杭郡庠生，积学砥行，寄情山水，搆延爽轩于枫岭下，庭前多植名卉，轩后植芭蕉数十本，夏日绿阴遮屋，入座者皆忘暑。乙酉岁，已值初秋，忽生甘露数朵以为异，里中诗人多吟咏以纪之。其子衍昌即于是年举荐。绝意科目，专工诗文，晚年尤耽篆刻。自号太朴居士，又名自怡子。

《康熙府志》、《乾隆府志》

储坝，一甲第三名武进士，钱塘人，参将。

《康熙府志》、《康熙仁和志》

康熙十八年己未科武进士储坝，钱塘籍，仁和人。

《康熙府志》、《乾隆府志》

张学纯，康熙庚戌科一甲第三名武进士，杭州人。

《清波类志》

康熙中，里中有两武探花。十八年己未储坝，居孔家山，后移居他里，屋本毁于火。其一则张学纯也。按《乾隆府志·选举表》，储坝官至参将。尚有康熙己酉武举储阶，又壬子武举储坤，又戊午武举储城，皆杭人，亦见门材之盛也。

花 牌 楼

按：花牌楼，即联桂坊，北对塔儿头，南对铁崖岭。元人

物有沙璫瞻、沙善才、沙善庆三人。有无极宫。

《成化府志》、《万历府志》

联桂坊，旧名周官宅巷。元至元中，坊内有兄弟二人善才、善庆，并登右榜进士第，故名。

按：各志云周氏兄弟并登进士第，均误，当从《翠屏集》。

《万历钱塘志》

联桂坊。

《西湖游览志》卷十四、《康熙钱塘志》

联桂坊，元至元间，有周氏兄弟举进士，并登甲榜，故名。

《康熙府志》

联桂坊，上通孔家山乌龙潭。

《康熙钱塘志》

联桂峰，元沙子中二子同登进士，郡守为之易名。

《西湖志》

周善才，至元中同弟善庆并登右榜进士。

《清波类志》

相传周氏居铁冶岭下周官宅巷，以昆季同登进士，建坊曰“联桂”。今俗称花牌楼。按旧志，罗师山又名联桂峰。元时沙子中二子善才、善庆同登进士，郡守易此名。今考张以宁《联桂堂记》，善才、善庆即沙子中二子。子中名璫瞻，元泰定丁卯科色目榜进士，郡守嘉之，易所居螺蛳山为联桂山，子中遂以名其堂。以宁与子中为泰定丁卯同年进士，因为之记。《西湖志》以为周氏二子者误也。善才字元之，善庆字积之。凌云翰《柘轩集》有《挽沙子中进士》诗，注：“二子元之、积之，同榜进士。”

《翠屏集》

《联桂堂记》：古者崇重其人，则必更名其居以表异之。康成之乡曰郑公，以其德；慈明之里曰高阳，以其才；王彦方之义，其乡曰君子；张嘉贞之贵，其里曰鸣珂。自汉、唐时已然。今杭郡守更名吾沙君子中所居之山曰联桂，盖犹古之意也乎。其名联桂何？子中二子善才、善庆同登至正辛卯进士第也，郡守嘉之，以子中所居之山曰名螺蛳之弗称也，故更之以今名。子中拜圣天子之宠光，乐贤侯之美意，而嘉二子之克省，遂以匾其所居之堂，因山名也。夫唐人以登第为折桂，盖自郗诜所谓“桂林一枝”始，矧二子之蝉联于一举者乎？噫，亦荣矣！抑予闻楚屈子之为骚，以香草比君子，而桂与兰为首称，岂不以桂为嘉植孤芳于众悴之中，犹君子之特立独行，其修名擢节垂芳于千载，不与草木同尽者，有足尚也耶？昔我朝之始设科也，指意若曰：“吾得一范文正公足矣”。夫范公所以垂千载者匪他焉，亦曰：“先天下之忧而忧，后天下之乐而乐”，古之君子之用心焉耳矣。祖宗设科，固将以罗天下之豪杰，而天下之豪杰亦诂肯舍是涂而他出哉？自始设科来，立功立节振起时运者，类多从是出，盖吾进士之崇重于斯世也久矣。是故以之树石题名于太学者，圣天子之功于天下也。以之名所居之山者，守之所以劝于郡也；以之名所居之堂者，父之所以劝于家也。吾知子中之意必不志于荣一时而止也。噫！士之生于世，荣悴尽于百年，而芳秽垂于今古。二子者，其尚勉其所以为崇重之道哉！予于子中忝年弟，视二子犹子也，尽发子中名堂之意而记之，亦所以劝也。二子其尚勉哉！他日予将屡书焉。若夫纪山川之奇胜，述室宇之幽邃，非名堂大义，故不书。

《诚意伯文集》卷五、《武林文献》

刘基《沙班子中兴义塾序》：至正十一年春三月十有五

日，沙班子中来言曰：“吾居杭有年矣，杭于江南视他郡为大，民多而儒少，岂教育之未至乎？吾尝得隙地于庆远安抚沙公，愿筑室以为义学，招子弟以教，而土木树筑之资无所出，可若何？”余闻而叹曰：“方今天下郡县无不有学，名山古迹又有书院，咸设学官。杭之城，郡县学及书院凡四处，生徒蚁集，省宪临焉，又何俟于子之室乎？”子中曰：“噫！是子不知余也。子以为予之学犹官之学欤？非也。余请为子言学。夫学也者，学为圣入之道也。学成而以措诸用，故师行而弟子法之。是故搜罗天人，究极古今，旁通物情，达其智也。齐明盛服，非礼勿动，笃其教也。见恶则违，见善则随，敦其仁也。存心养性，乐道尊德，致其大也。礼仪三百，威仪三千，尽其细也。忠信敬悫，固其内也。貌言容止，闲其外也。《诗》、《书》六艺，昭其文也。刚毅木讷，培其质也。亲贤友仁，以辅德也。幼幼长长，顺天则也。夫学智以周之；敬以一之，仁以行之，立乎大不遗乎细，严乎内不弛乎于外，文以藻之，质以韜之，于是乎德成而不失其则。今之学主以文墨为教，弟子上者华而鲜实，下者习字画以资刀笔，官司应酬廩粟之外无他用心，其亦异乎子之所欲为者乎？夏之校，殷之序，周之庠，吾不得而见之矣，而有志焉。道之将行也，夫吾室之成未可知；道之不行也，夫吾固将以尽吾心、终吾年，纵不能行于今，庶其或垂于后。”予闻而壮之，书其言以为序。余闻湖浙之间多富而好礼者，有与子中同志，尚能为子中成之。

《居竹轩集》

《沙子中监县二子善才、善庆俱登第，因名其所居之山曰联桂，所以纪瑞也，诗以美之》：山翁高步月中来，移得灵根手自栽。仙籍许令诸子折，君家先见两枝开。双承御宴簪花出，并惹天香满袖回。自笑淮南漫招隐，连蜚偃蹇老苍苔。

桂丛竞发山之阿，大株小株秋婆娑。灵鹫峰头月色薄，乌龙潭上天香多。吴刚持斧不敢近，郗诜对策将如何。岂惟二季在仙籍，诸孙还见援枝柯。

《柘轩集》

《挽沙子中进士》：吴山台榭锁烟霞，知是前朝进士家。翠竹碧梧今代见，灵栖丹桂昔人夸。功名梦断邯郸枕，乡国心随博望槎。欲觅衣冠迷处所，寒云满目重兴嗟。

毛 家 园

按：毛家园，东出花牌楼，西对蔡官巷。明毛文龙居此。附见者袁崇焕、谢尚政、李颖、吴三桂。

《浙江省城全图》

毛家园。

《郭西小志》

铁冶岭侧枫岭下有毛家花园之名，相传明时毛帅所居也。考朱鹿田先生诗有“怒涛但送枫林响，咫尺难寻岛帅居”之句，注云：“毛文龙，吾里人也。少年豪杰，不事生产，后据皮岛，熹宗朝封总兵官，《明史》有传。”其为文龙旧居无疑。

《明史》卷二百五十九

《袁崇焕传》：（毛）文龙者，仁和人。以都司援朝鲜，逗留辽东。辽东失，自海道遁回，乘虚袭杀大清镇江守将，报巡抚王化贞，而不及经略熊廷弼，两人隙始开。用事者方主化贞，遂授文龙总兵，累加至左都督，挂将军印，赐尚方剑，设军镇皮岛如内地。皮岛亦谓之东江，在登莱大海中，绵亘八十

里，不生草木，远南岸，近北岸，北岸海面八十里即抵大清界，其东北海则朝鲜也。岛上兵本河东民，自天启元年河东失，民多逃岛中。文龙笼络其民为兵，分布哨然，联接登州，以为犄角计。中朝是之，岛事由此起。四年五月，文龙遣将沿鸭绿江越长白山，侵大清国东偏，为守将击败，众尽歼。八月遣兵从义州城西渡江，入岛中屯田。大清守将觉，潜师袭击，斩五百余级，岛中粮悉被焚。五年六月遣兵袭耀州之官屯寨，败归。六年五月遣兵袭鞍山驿，丧其卒千余。越数日，又遣兵袭撤尔河，攻城南，为大清守将所却。七年正月，大清兵征朝鲜，并规剿文龙。三月，大清兵克义州，分兵夜捣文龙于铁山。文龙败，遁归岛中。时大清恶文龙蹶后，故致讨朝鲜，以其助文龙为兵端。顾文龙所居东江，形势虽足牵制，其人本无夫略，往辄败衄，而岁糜饷无算，且惟务广招商贾，贩易禁物，名济朝鲜，实阑出寨，无事则鬻参贩布为业，有事亦罕得其用。主科谄事中潘士闻劾文龙糜饷杀降，尚宝卿董茂忠请撤文龙，¹沿兵关、宁。兵部议不可，而崇焕心弗也，尝疏请遣部臣理饷。文龙恶文臣监制，抗疏驳之，崇焕不悦。及文龙来谒，接以宾礼，文龙又不让，崇焕谋益决。至是，遂以阅兵为名，泛海抵双岛，文龙来会。崇焕与相燕饮，每至夜分，文龙不觉也。崇焕议更营制，设监司，文龙怫然。崇焕以归乡动之，文龙曰：“向有此意，但惟我知东事，东事毕，朝鲜衰弱，可袭而有也。”崇焕益不悦。以六月五日邀文龙观将士射，先设榭山上，令参将谢尚政等伏甲士榭外。文龙至，其部卒不得入。崇焕曰：“予诘朝行，公当海外重寄，受予一拜。”交拜毕，登山。崇焕问从官姓名，多毛姓。文龙曰：“此皆子孙。”崇焕笑，因曰：“尔等积劳海外，月米止一斛，言之痛心，亦受予一拜，为国家尽力。”众皆顿首谢。崇焕因

诘文龙违令数事，文龙抗辩。崇焕厉色叱之，命去冠带縶缚，文龙犹倔强。崇焕曰：“尔有十二斩罪，知之乎？祖制，大将在外，必命文臣监。尔专制一方，军马钱粮不受核，一当斩。人臣之罪莫大欺君，尔奏报尽欺罔，杀降人难民冒功，二当斩。人臣无将，将则必诛。尔奏有牧马登州取南京如反掌语，大逆不道，三当斩。每岁饷银数十万，不以给兵，月止散米三斗有半，侵盗军粮，四当斩。擅开马市于皮岛，私通外番，五当斩。部将数千人悉冒己姓，副将以下滥给札付千，走卒、舆夫尽金帛，六当斩。自宁远还，剽掠商船，自为盗贼，七当斩。强取民间子女，不知纪极，部下效尤，人不安室，八当斩。驱难民远窃人参，不从则饿死，岛上白骨如莽，九当斩。鞞金京师，拜魏忠贤为父，塑冕旒像于岛中，十当斩。铁山之败，丧军无算，掩败为功，十一当斩。开镇八年，不能复寸土，观望养敌，十二当斩。”数毕，文龙丧魂魄不能言，但叩头乞免。崇焕召谕其部将曰：“文龙罪状当斩否？”皆惶怖唯唯。中有称文龙数年劳苦者，崇焕叱之曰：“文龙一布衣尔，富极品，满门封荫，足酬劳，何悖逆如是！”乃顿首请旨曰：“臣今诛文龙以肃军。诸将中有若文龙者，悉诛。臣不能成功，皇上亦以诛文龙者诛臣。”遂取尚方剑斩之帐前。乃出谕其诸将曰：“诛止文龙，余无罪。”

《续南华文稿》

颢，字考叔，钱塘人。少时从毛文龙于皮岛颇久，述袁崇焕杀文龙事与《明史》小异，云公至双岛，崇焕相见恨晚。一日，宰牲结盟，呼以长兄，誓以生死。六月初四日，半席伴醉出门，黎明座船正欲开洋，崇焕差官上船曰：“昨晚因醉未尽欲言，再请一罄。”众船扬帆不能再回，公止带亲随十二人登岸。崇焕身穿红袍。军人非杀人不穿红袍，公迟疑伫西